

QUÆSTIO MEDICA,



*Cardinalitiis disputationibus manè discutienda in Scholis Medicorum,
die Jovis primo Martii 1714.*

M. FRANCISCO AFFORTY, Doctore Medico,
antiquo Facultatis Decano, & Chirurgiæ
Professore, Præside.

An vinum aquâ dilutum, aquâ simplici, vel mero, salubrius?

I.

VITAM, quam inspirando inchoamus, & expirando finimus, nutritionis ope fovemus. Cum sanguis, ros vivificus, sit in continuo instaurationis & perditionis motu, alimento opus est, quo tantum reponatur quantum discessit; ne substantiâ nostrâ præproperè diremptâ, citò concidamus: aere quidquid effluxit spirituosus; cibo quidquid solidioris; potu quidquid excidit humidioris, farcimus: aere natus exsuscitatur calor, cibo sedatur fames, potione sitis extinguitur: Illorum una omnibus necessitas, multiplex in singulis utendi, agendi, ratio; ut enim aer differt ab aere, cibus à cibo, potus à potu; sic ab homine homo; dissimilis horum omnium status pro variâ cuiusque affectione varios sortitur effectus; eventus planè diversos: indè pendet functionum alacritas, depravatio; corporis & animi vigor, imbecillitas; sanitatis (vitæ condimenti) integritas, labes; morbi (lethi fabricatoris) recessus, incubatio; ipsius tandem vitæ terminus diuturnus, brevis, incertus: sed una mors certa seriùs ocyùs manet omnes, quæ incertis diu noctuque, domi vel foris, nos vocat horis.

I I.

INELUCTABILI moriendi necessitati moras necesse longiores, & instantis à tergo fati revocare gradum, solùm conceditur iis, qui benè nati ad laudabilem rerum salubrium usum totos sese conferunt, neque peragantis gulæ instigatione in succos potusque insuetos imprudentèr inquirunt. Sitis, cujus magis urget quàm cibi præsentia, tam ex falso propriè dicto, quàm ex falso lixiviali membranam fauces succingentem vellicante, oriunda, potùs est (quo ardet) desiderium, quod ablutione factâ cessat; potus autem ad vitam apprimè necessarius dicitur liquor, qui sitim tollit, alimenta permiscet, permixta distribuit; ejus duplex genus; alterum simplex, quod nihil aliud corpori nostro præstat, quàm quod ipsum necessario humore perfundit, sitimque adimit; alterum minimè sincerum, cui etiam alendi medendi-ve potestas inest; primi ordinis, una est aqua; posterioris, vinum; aquæ metallicæ, potus arte facti.

I I I.

AQUA, quasi sit à quâ omnia quæ è terrâ nascuntur originem habent, nutriuntur, foveantur, conservantur, rerum est omnium principium: in variis distinguitur species & qualitates, pro ratione loci ex quo defluit, & mutatione illius ad quem decurrit. Nulla est pura, simplex, sed omnis quid habet heterogenei, & quâdam vi pollet alterandi: quò tamèn clarior, eò purior; quò purior, eò salubrior. Aquarum princeps fontana, quæ per terræ meatus & cryptas pressio- nis beneficio transcolata, ex limpidâ versùs orientem scaturigine inter lapides & saxa tandèm erumpit; hæc, licèt novis in terræ visceribus, mineralium & metallorum linctû imprægnetur succis, minùs tamèn inimicis referta particulis, positâque acredine, meritò cœteris anteponitur. Ab eâ deflectit fluvialis, quæ aliis undequaque concurrentibus aquis obvia, partes etiam limosas excipit, & longiori quem emetitur cursu terrestres lambit ex ripis, sordes ac purgamenta vehit, præsertim ubi populosas urbes alluit, ac sæpè infensis quorundam (quibus exponitur) ventorum qualitatibus inficitur: pluvialis laudatur à multis, forsan quia levior, maximè ubi æstate, Jove tonante, collis frætisque nubibus decedit; sed quoniàm ex omnis generis vaporibus Solis calore sursùm elatis quasi per distillationem gignitur, Empirœuma contrahit, citò fermentescit, citissimè corrumpitur, & pediculos inge-

nerare creditur. Putealis minimè probatur, quatenùs immota, cruda, ægrè secedens, nec facilè à stomacho subigenda : nivalis, glacialis, procellosa, grandinosa, ut minùs elaborata, & expressis tenuioribus particulis concreta, durior evadit, crassior, & deterior : lacustris & stagnans, sive torpeat, sive pigro lapsu repat, impura, tandèmque livida, & perniciosà. Qualiscunque, ut in salubriorem facesset potum, necessarià non minùs quàm utili indiget emendatione, quàm nulla superior, quàm ex idoneà vini, tanquàm antidoti præstantioris admixtione.

IV.

VINUM, vegetantium nobile decus, sanguis terræ, succus est ex maturis calcatisque uvis expressus, fermentatione defæcatus, spiritu volatili sulphureo & subtili acido constans, quorum varietas inæqualisque mixtura varias assignant vino facultates ac differentias; quamquàm hæc ferè petantur à colore, odore, sapore, consistentiâ, viribus, ætate, natalique solo. Sua sunt Gallis vina, Græcorum Romanorumque Falerno non cessura; Burgundiacum, Vasconium, Aurelianense, Irancianum, Aisanum, & Parisinum, quæ cum sint colore, consistentiâ, & viribus media; ità cæteris præferenda. Si potetur merum, massicus ille liquor, arcani proditor, quo forma perit, & ætas corrumpitur, graviora quàm aqua simplex infert potatoribus damna; vis ejus volatilis sulphurea spiritus animales in motus inordinatos concitat; sulphureasque mephytes, cephalalgias, furiales somnos, vigiliis, scabritiem linguæ, labrorum siccitatem, sitim, bilem, sanguinis effervescentiam, & febrile incendium accersit: subtile acidum non benè moratum, nec in falsum volatile intùs conversum, in stomacho, ructus fætidus morbososque flatus eructante, cruditates turbasque parit; colica in intestinis tormina, strangurias in vesicâ, calculos in renibus, aquationem in abdomine, in artubus paralyses, tophos in articulis, in nervosis ac membranosis partibus puncturas arthriticas & contracturas consequitur. Tot ac tantis felix occurrit incommodis, qui sobriâ meri cum aquâ simplici potione sese proluere, & fauces arentes, ut decet, aspergere noverit.

V.

MERUM aquâ simplici dilutum intùs & in ore sua dispensat dona: ex legitimâ utriusque affusione fit calidi vinosi cum frigidò aqueo, sicci cum humido laudabilis attemperatio: suam in mero

crudelitatem inspidam deponit aqua ; suam in aquâ masculam luxuriam moderatur merum ; inde fit potus gustui gratus, stomacho non injucundus, universo corpori familiaris, omnium saluberrimus ; qui facillè penetrat ; partes solidas ad triturationem (si opus est) flectit ; fluidas ad motum & ad fermentationem adducit ; ciborum appetentiam, coctionem, distributionem, & excrementorum dejectionem promovet ; viscerum infarctus deturbat ; placat alvi perturbationes ; dissipatos spiritus colligit ; commotos coercescit ; torpidos erigit ; spissiores etiâ corporis succos attenuat, concretos solvit, tenuioribus modum adhibet ; sitim extinguit ; bilem compescit ; sudores & urinas ciet ; curas diluit ; vires, sanguinem, & colorem alit ; à putredine vindicat ; & in febribus nonnunquàm alexyterii vices adimplet. Hoc tandem suavioris potûs genere salubritati, longævitati, posteritati, consulitur.

Ergo vinum aquâ dilutum, aquâ simplici, vel mero, salubrius.

Proponēbat Parisiis PETRUS AFFORTY, Parisinus, Baccalaureus Medicus. A. R. S. H. 1714.